

榮縣志



榮縣志

事紀第十五

周赧王元年秦惠王以張若爲蜀守

華陽國志蜀志

榮爲南安

地屬蜀郡

漢武帝建元六年置犍爲郡割南安屬之

地理志華陽國志

按犍爲置郡通鑑據西南夷傳與發卒治道連文故

列元光五年

漢書武帝紀元光五年發巴蜀治南夷道

遵義府志從之且

以漢志華陽志爲誤謂蒙以建元六年使南越又歸

至長安乃上書說上乃以蒙爲中郎將蒙又諭約夜

郎還報乃置犍爲必非一二年事愈知犍爲之置必

在元光四五年之冬春閒不知蒙以番陽令使越歸

長安返夜郎。道程數月可畢。西南夷傳云。蒙以中郎將見夜郎侯多同。厚賜。諭以威德。約爲置吏。使其子爲令。此置郡明文也。蒙還報。迺以爲犍爲郡。謂夜郎旁小邑也。通鑑混而爲一。無以處郡移南廣矣。華陽志元光五年郡移治南廣蓋置吏卽置郡也。觀元朔中。稍令犍爲自保就可知。郡西止犍道一縣。故以南安屬之。榮與犍道壤接。

昭帝始元元年益州夷反發犇命往擊之

元年益州廉頭姑繒民反殺長吏牂牁談指同竝二十四邑凡三萬餘人皆反遣水衡都尉發蜀郡犍爲

犇命萬餘人擊牂牁。大破之。

漢書西南夷傳

夏，益州廉頭姑繒牂牁談指同竝二十四邑皆反。遣

水衡都尉呂破胡募吏民及發犍爲蜀郡犇命擊益

州。大破之。

漢書武帝紀

按漢制，民年二十三以上爲正卒，至六十五乃得免。

郡國皆有材官騎士。今夷反者衆，正調不足，故募吏

民以補之。材官騎士不足應急，故發犇命以禦之。榮

民時應其役。

平帝元始四年改犍爲郡曰西順。

漢書平帝紀地理志

新莽始建國四年益州夷反，發吏民往擊之，調發諸路

兵穀榮應其役

後漢光武建武十二年費貽爲合浦守

華陽國志通鑑

靈帝中平元年黃巾賊下犍爲州從事賈龍率吏民破走之

涼州逆賊馬相趙祗等於縣竹縣自號黃巾殺縣令李升便前破雒縣攻益州到蜀郡犍爲相自稱天子衆以萬數州從事賈龍素領兵百人在犍爲東界攝斂吏民得千餘人攻相等數日破走州界清淨

三國志劉

焉傳
常志

獻帝建安十八年劉璋分犍爲置江陽郡

漢郡國志
華陽國志

按江陽旣立郡。今榮之東南境卽屬江陽。故唐地理志以公井爲江陽屬也。蜀漢又以犍爲屬國爲朱提郡。而昧者遂以蜀漢有朱提無犍爲是誠鹵莽獨不見李嚴陳震方爲犍爲太守耶。

十九年諸葛亮別將由鐵山路趨成都

後周陸騰爲隆州總管領刺史保定二年資州盤石民反殺郡守據險自守州軍不能制騰率軍討擊盡破斬之而蠻獠兵及所在蠡起山路險阻難得掩襲騰遂量山川形勢隨便開道蠻獠畏威承風請服所開之路多得古銘竝是諸葛亮桓溫舊道

周書陸騰傳

按華陽國志趙雲自江州分定江陽犍爲飛攻巴西亮定德陽蓋三道出兵亮出中道其別將由鐵山路會雲兵攻成都史識其大故失載。

蜀漢章武元年費詩遷部永昌從事

三國志本傳

建興二年五梁爲功曹

三國志杜微傳

晉惠帝永興元年西幸長安費立兼尙書留洛居守

華陽

國志

康帝建元元年冬獠亂

華陽國志

初蜀土無獠至此始自山而出北至犍爲梓潼布在山谷十餘萬落不可禁制大爲百姓之患

晉書載記李勢傳

建元中。李勢在蜀。諸獠始出巴西渠川廣漢陽安資

中。攻破郡縣。爲益州大患。

魏書獠傳

按云。攻破郡縣。則南安在焉。陽安今簡州。西魏置。晉爲牛鞞。與資州南安皆隸犍爲。故晉書以犍爲統之。

穆帝永和三年春。桓溫別將由鐵山路趨成都。

見上

按晉書李勢傳。桓溫率水軍伐勢。次青衣。從山陽出江南。今井研仁壽地。周書鐵山路有桓溫舊銘。蓋陸軍由江州上。別取道鐵山。與溫合江南。趨成都。勢將咎堅從江北到犍爲。與溫異道。

安帝義熙十年。別南安立冶官縣。

宋書州郡志

榮爲冶官

按漢地理志南安有鐵官。治官名本此。漢制郡國不出鐵者置小鐵官主鑄。故鐵出鐵者置鐵官主冶。新鐵。漢曰鐵官。隋志曰治官。榮倚鐵山之利。諸葛武侯嘗鑄兵器。故以名縣。

齊東昏侯永元三年置南安郡

通典通功

僑治今來牟鋪

梁元帝承聖二年八月魏尉遲迴克成都爲大都督益潼等十八州軍事益州刺史地入魏

周書尉遲迴傳

陳武帝永定元年夷夏交亂周陸騰討平之

世宗初陵眉戎江資邛新遂八州夷夏及合州民張瑜兄弟并反衆數萬人攻破郡縣騰率兵討之轉潼

州刺史。

周書陸騰傳

按傳舉州畧縣。治官界陵戎資三州。自不免於難也。

文帝天嘉三年鐵山獠反

周世宗保定元年。騰爲隆州總管。領刺史。二年。資州盤石民反。蠻獠兵所在蠶起。鐵山獠抄斷內江路。使驛不通。騰乃進軍討之。欲至鐵山。乃僞還師。賊不以爲虞。遂不守備。騰出其不意擊之。應時奔潰。一日下其三城。斬其魁帥。俘獲三千人。招納降附者三萬戶。

周書陸騰傳
魏書獠傳同

按獠自漢中達於邛笮。川洞之間。所在皆有。鐵山自

資中以達冶官。橫亘數百里。自桓溫破蜀後。蜀人東流。獠遂傍山谷而居。在深山者。不爲編賦。人名之曰鐵山獠。

宣帝太建十二年。周益州總管王謙起兵。

楊堅將爲篡。謙令司錄賀若昂奉表詣闕。昂還。具陳京師事勢。謙以世受國恩。將圖匡復。遂舉兵。署官司。所管益潼新始龍。邛青瀘戎寧汶陵。遂合楚資眉普十八州。及嘉渝臨渠蓬隆通興武庸十州之人。多從之。

周書王謙傳

按所舉多西魏後周之稱。通鑑括云。起巴蜀之兵。以

攻始州。注此巴蜀謂漢巴郡蜀郡。時治官屬資屬嘉無攷。

隋文帝開皇元年置威遠屬資陽郡。隋書地理志

威遠漢安縣地。屬犍爲郡。隋於舊威戍置縣。唐書地理志

十三年置大牢屬資陽郡。隋書地理志

按大牢初爲鎮。唐書地理志。隋置大牢鎮。尋改爲縣。仁壽元年十一月獠攻大牢鎮。資州刺史衛文昇諭降之。

仁壽初。山獠作亂。出立爲資州刺史以鎮撫之。立旣到官。時獠攻圍大牢鎮。立單騎造其營。謂羣獠曰。我

是刺史銜天子詔安養汝等勿驚懼也諸賊莫敢動於是說以利害渠帥感悅解兵而去前後歸附者十

餘萬口

隋書衛
玄傳

按大牢已改縣曰鎮者稱其初也

煬帝大業中袁天綱爲咨官令

唐書方
伎傳

按宋齊州郡志皆作治官梁陳相承圖籍不誤惟後周以北人異族主蜀不識所由遂形近致誤隋世因之元和志云隋後之誤非其朔也

唐高祖武德元年析資州置榮州治公井

新書地
理志

武德元年割資州之大牢威遠二縣於公井鎮置榮

州取界內榮德山爲名。又改公井爲縣。舊書地理志

按舊書成都府下云。榮州武德二年置。紀成事也。

六年割嘉州資官屬榮州。自公井移治大牢。新舊地理志

高滿政封榮國公。通鑑

按資官武德六年。由嘉州割屬榮州。新舊書皆同。而舊書總敘云。貞觀三年。嘉州下。又云。貞觀六年。此校者之疏也。又武德六年。州自公井移大牢。新舊書皆同。而舊書總敘云。貞觀三年。公井下。云。貞觀六年。亦校者之疏也。

太宗貞觀元年。分天下爲十道。榮屬劍南道。地理志

二年置旭川婆日至如三縣割瀘州隆越來屬舊書地理志

按新書旭川云貞觀元年析大牢置威遠云貞觀元

年析置婆日至如二縣記事始也

八年割瀘州和義來屬廢婆日至如隆越三縣地理志

婆日至如隆越省入威遠新地理志

按元和志和義本漢資中地婆日至如隆越悉與相

鄰是州界東至榮昌有今富順隆昌資中地故名勝

記云榮昌名縣以介於榮州也

十年置都督府

凡天下十道置府六百三十四皆有名號而關內二

百六十有一。皆以隸諸衛。凡府三等。兵千二百人爲

上。千人爲中。八百人爲下。

唐書兵志

按地理志。滎無都督府。而樊偁爲州都督。見文集。蓋武德初。邊要之地。置總管以統軍。七年。改曰都督。百官志。三輔及近畿州都督皆置府。凡六百三十三。

二十二年。松外蠻叛。右武侯將軍梁建方徵討之。

貞觀中。嶠州都督劉伯英上疏言。松外諸蠻。率慙附。亟叛。請擊之。西洱河天竺國可通也。居數歲。以右武侯將軍發蜀十三州兵進討。酋帥雙舍拒戰。敗走。殺獲十餘萬。羣蠻震駭。走保山谷。建方諭降者七十餘。

部戶十萬九千。署首領蒙和爲縣令。唐書南蠻傳

按通鑑注十三州益眉榮梓利緜遂巴瀘渠達集渝。

高宗永徽二年州自大牢徙旭川。地理志

六年柳奭貶州刺史

奭以吏部尚書貶遂州刺史。行至扶風岐州長史于

承素希旨奏奭漏洩禁中語。復貶榮州刺史。通鑑

顯慶二年刺史柳奭貶象州。通鑑

四年八月于志寧貶州刺史。通鑑

許敬宗推鞠長孫無忌詔獄。因誣構志寧黨附無忌。

坐是免職。尋降榮州刺史。舊唐書本傳